



# Leikskóli Mýrdalshrepps

## Vistunarreglur Leikskóla Mýrdalshrepps

### 1. Upphaf og lok vistunar

Í Leikskóla Mýrdalshrepps er tekið við barni frá því að það nær eins árs aldri og fram að því er barn hefur skólagöngu í grunnskóla, enda rúmist kostnaður Mýrdalshrepps vegna vistunarinnar innan fjárhagsáætlunar leikskólans. Hægt er að sækja um vistun þremur mánuðum fyrir 1 árs afmælisdag. Sé biðlisti við leiksólann fer barnið á biðlista frá eins árs aldri. Þurfi að velja milli barna á sama ári ræður kennitala, þannig að eldra barn gengur fyrir.

### 2. Skilyrði fyrir vistun

Skilyrði fyrir vistun er að a.m.k. annað foreldri og barn séu með lögheimili í sveitarfélaginu. Þó er heimilt að taka barn til vistunar til skemmri tíma þó hvorugt foreldra eigi lögheimili í sveitarfélaginu enda liggja fyrir því gildar ástæður að mati leikskólastjóra og vistunin komi ekki til með að hafa kostnaðarauka í för með sér. Íbúar með lögheimili í Mýrdalshreppi hafi þó alltaf forgang fram yfir aðra.

### 3. Forgangshópar

Hægt er að sækja um forgang vegna leikskóladvalar til fræðslunefndar fyrir barn ef sérstakar aðstæður mæla með því. Vottorð frá viðurkenndum greiningaraðila eða félagsmálayfirvöldum skal fylgja með umsókn um forgang þar sem það á við. Til staðfestingar að því að foreldri sé einstætt ber að framvísa vottorði frá Tryggingastofnun ríkisins. Ef forgangur er samþykktur fer viðkomandi barn fram fyrir önnur börn sem bíða eftir leikskólavistun. Forgangur er eins og önnur vistun háð því að laust pláss sé fyrir hendi. Beiðni um forgang þarf að koma frá foreldrum/forráðamanni annars fer barn ekki sjálfkrafa í forgang. Við úrvinnslu á biðlistum skal hafa eftirfarandi í huga.

- Fötluð börn með alvarleg þroskafrávik og/eða seinkaðan þroska og börn sem að mati sérfræðinga hafa sérstaka þörf fyrir leikskóladvöl vegna félagslegra, andlegra eða líkamlegra frávíka.
- Börn einstæðra foreldra.
- Börn í elsta árgangi leikskólans, 5 ára börn.
- Börn sérmenntaðra starfsmanna sveitarfélagsins sem sveitarstjórn metur að ráðning sé háð leikskólavistun og varði hagsmuni sveitarfélagsins.

### 4. Vikulegur vistunartími

Lágmarksvistun er 3 dagar í viku og skulu þeir dagar vera samfelldir.

- 3 daga vistun – mánudagur, þriðjudagur, miðvikudagur.
- 4 daga vistun – mánudagur, þriðjudagur, miðvikudagur, fimmtudagur.
- 5 daga vistun – mánudagur, þriðjudagur, miðvikudagur, fimmtudagur, föstudagur.

Leikskólastjóra er þó heimilt að veita tímabundna undanþágu frá liðum a) b) og c) enda liggja fyrir því gildar ástæður að mati leikskólastjóra og vistunin kemur ekki til með að hafa kostnaðarauka í för með sér.

### 5. Daglegur vistunartími

Daglegur vistunartími skal ekki vera minni en 4 tímar samfelld. Hann hefst kl 8:00 eða 9:00. Æskilegt er barnsins vegna að það mæti vel og stundvíslega í leikskólann og að vistunartími sé virtur. Barninu skal skilað í hendur starfsfólks og það látið vita þegar barn er sótt. Foreldrar/forráðamenn skulu

tilkynna leikskólastjóra hverjum sé heimilt að sækja barnið í leikskólann. Foreldrar eru beðnir um að tilkynna ef barnið er fjarverandi t.d. vegna veikinda eða af öðrum ástæðum. Þótt barn sé fjarverandi greiða foreldrar fyrir dvölinu. Ef foreldrar óska eftir breytingu á vistunartíma barns sækja þeir um það til leikskólastjóra. Gagnkvæmur uppsagnarfrestur er einn mánuður og miðast við 1. hvers mánaðar.

## **6. Vistgjöld**

Vistgjöld eru innheimt eftirá s.k.v. gjaldskrá með gíróseðli eða í gegnum greiðsluþjónustu og er eindagi 15. næsta mánaðar. Hafi gjald ekki verið greitt á eindaga bætast dráttarvextir við upphæðina frá gjalddaga. Skuldi foreldrar 3 mánuði fellur leikskólavist niður og skuldin sett í innheimtu til lögfræðings.

## **7. Afsláttur**

Þeir sem greiða lægra gjald eru, einstæðir foreldrar, námsmenn þar sem báðir foreldrar eru í fullu lánshæfu námi og öryrkjar með metna örorku 75% eða meira. Afsláttur til námsmanna gildir ekki 1.júní til 31. ágúst nema foreldrar séu í fullu sumarnámi. Námsmenn þurfa að framvísa vottorði til staðfestingar um skólavist sína. Afsláttur er veittur til foreldra sem eiga fleiri en eitt barn á leikskólanum. Breyting á gjaldi vegna sambúðar eða sambúðarslita, upphafs eða lokum náms eða örorku kemur til framkvæmda 1. næsta mánaðar eftir breytinguna. Foreldrum er skylt að tilkynna leikskólastjóra breytingar á högum sínum sem geta leitt til breytinga á gjöldum. Afslættir eru ákveðnir í gjaldskrá.

## **8. Lokanir**

Leikskólinn er lokaður 5 vikur ár hvert vegna sumarleyfa. Ekki eru greidd leikskólagjöld fyrir þann tíma sem lokað er. Skipulagsdagar starfsfólks leikskólans eru fimm á ári. Leikskólinn er lokaður á skipulagsdögum sem merktir eru á skóladagatali leikskólans og ávallt auglýstir til foreldra. Leikskólinn er lokaður á aðfangadag og gamlársgang.

## **9. Annað**

Barnið er slysatryggt í leikskólanum. Starfsfólk er bundið þagnarskyldu.